



মন্ত্রিসভার অর্থনৈতিক বিষয়সংক্রান্ত কমিটি

সিকিম সহ উত্তর-পূর্বাঞ্চলে অবস্থিত শিল্পকেন্দ্রগুলোর জন্য পুঁজি বিনিয়োগ ভর্তুকিতে অনুমোদন দিল কেন্দ্রীয় মন্ত্রিসভা

Posted On: 18 DEC 2017 2:18PM by PIB Kolkata

প্রধানমন্ত্রী শ্রী নরেন্দ্র মোদীর পৌরহিত্যে অর্থনীতি বিষয়ক কেন্দ্রীয় মন্ত্রিসভা কমিটি সিকিমসহ উত্তর-পূর্বাঞ্চলে অবস্থিত চারটি শিল্পকেন্দ্রের জন্য উত্তর-পূর্বাঞ্চল শিল্প বিনিয়োগ ও উৎসাহ নীতি (এন.ই.আই.আই.পি.পি.), ২০০৭-এর কেন্দ্রীয় পুঁজি বিনিয়োগ ভর্তুকি প্রকল্প (সি.সি.আই.এস.এস.), ২০০৭ অনুসারে ২৬৪.৬৭ কোটি টাকার পুঁজি বিনিয়োগ ভর্তুকিতে অনুমোদন দিল।

অর্থনীতি বিষয়ক কেন্দ্রীয় মন্ত্রিসভা কমিটি এছাড়াও ৫০০ কোটি টাকা পর্যন্ত পুঁজি বিনিয়োগ ভর্তুকি দাবির অনুমোদন দেওয়ার জন্য আর্থিক ক্ষমতার পর্যালোচনা করেছে। এখন থেকে যার অনুমোদন প্রদান করবেন শিল্প ও বাণিজ্যমন্ত্রী। এর ফলে দ্রুত দাবি নিষ্পত্তি সম্ভব হবে।

শিল্পকেন্দ্রগুলোতে এই বড় আকারের ভর্তুকির ফলে শুধুমাত্র যে এর কার্যকরী ক্ষেত্রে উৎসাহ যোগাবে তাই নয়, এর ফলে উত্তর-পূর্বাঞ্চলের রাজ্যগুলোর বর্তমান বিনিয়োগকারী এবং সম্ভাব্য বিনিয়োগকারীদের ও আশ্বাসবোধ বৃদ্ধি করবে।

ভারত সরকার উত্তর-পূর্বাঞ্চলে শিল্পায়নে উৎসাহ বৃদ্ধির জন্যই এই প্রকল্প রূপায়িত করেছে।

(Release ID: 1512981) Visitor Counter : 5

